

佛說方等泥洹經卷上

澄三

新爲失譯附東晉錄

聞如是一時佛遊於王舍鷄山從大衆比丘比丘十二百五十時摩竭王阿闍世與越祇不相得衆臣議言越祇自恃國富民衆地沃野豐多出珍寶不首伏我當往攻伐國賢大臣

名曰雨舍梵志種也王命使行誓首佛足敬問消息興居輕強氣力遊步德化日昇啓言阿闍世與越祇有憾衆臣之議欲往攻伐願聞衆祐有以教之大臣受命即嚴車五百乘騎二千步人二千行詣鷄山到小道口下車步進見佛歡喜貌色恭辭氣重揖讓畢長跪言摩竭王阿闍世誓首佛足敬問消息興居輕強氣力遊步德化日昇佛言甚善王與國人及汝皆安不雨舍白言王與越祇有憾衆臣之議以彼自恃國富民衆地沃野豐多出珍寶不首伏我欲往伐之願聞佛教佛報大臣昔吾一時曾遊越祇止躁神舍見其國

人皆多謹勑我時爲說治國七法不危之道其能行者日當興盛未之衰也即又手言願聞七法蓋何施行佛言諦聽對曰受教時賢者阿難住後扇佛佛言阿難汝寧不聞越祇國人數相聚會講論政事修備自守對曰聞其數相聚會講議政事修備自守佛言如是彼爲不衰汝聞越祇君臣常和所任忠良轉相承用對曰聞其君臣常和所任忠良轉相承用汝聞越祇奉法相率無取無願不敢有過對曰聞其奉法相率無取無願不敢有過汝聞越祇禮化謹敬男女有別長幼相事對曰聞其礼化謹敬男女有別長幼相事汝聞越祇孝於父母遜悌師長受識教誨對曰聞其孝於父母遜悌師長受識教誨汝聞越祇承天則地敬畏鬼神敬順四時對曰聞其承天則地敬畏鬼神敬順四時汝聞越祇尊奉道德國有沙門應真及四方來者供養衣食臥牀疾藥對曰聞其尊奉道德國有沙門應

真及四方來者供養衣食卧牀疾藥佛言夫有國者行此七法難可得危兩舍對曰使越祇人持一者尚不可攻何況有七國事多故當還請辭佛言可宜知是時即從座起礼佛而去是時佛勑賢者阿難請鷄山中諸倚行比丘令會講堂即請悉會稽首畢一面坐佛

溢三

二

告諸比丘聽我所言善念行之皆曰受教佛言比丘有七教則法不衰何等七教一當數會講誦經道無有懈怠二當和順忠正相教轉相承用三當無取無願於他惟樂山澤四當絕姪長幼先後相事以禮五當慈孝承事師長受識教誨六當奉法敬畏經戒以修梵

溢三

三

事坐禪寂無他倚行如是七法可得久住又比丘有七財則法不衰當善念行一當有信見正喜樂二當有戒慎護不犯三當有慚改過自悔四當有愧順所言行五當多聞諷誦無厭六當智慧深行微妙七當法施勿望札賂如是七法可得久住

行七當遵道供養聖衆開解童蒙來學者受給施衣食卧牀疾藥如是七法可得久住又比丘有七守則法不衰當善念行一守清淨不樂有爲二守無欲不貪利養三守忍辱無所諍訟四守空行不久入衆聚五守法意不起衆想六守一心坐禪定意七守約摸衣食

鹿踈草蓐爲牀如是七法可得久住又比丘有七敬則法不衰當善念行一爲敬佛善心禮事無他倚行二爲敬法志在道意無他倚行三爲敬衆依受教令無他倚行四爲敬學事持戒者無他倚行五爲敬聞事講授者無他倚行六爲敬淨無欲無他倚行七爲敬定

法可得久住又比丘有七知則法不衰當善念行一當知法佛十二部經諦受誦論二當知義求諸法慧博解其要三當知時可誦可步可禪可卧無失時宜四當自知所入法行多少深淺熟與初始志當日勝五當知節勿貪美妙適身節食無以自病六當知衆入比丘衆梵志聖人君子及士民衆當分別知可敬可住可坐可默可語七當知人觀其所好察其志能隨意勸導今知聖化如是七法可得久住又比丘有七惟則法不衰當善念行一惟經道當如人念父母父母生子思極一卅惟法活人至無數度人生死二惟人生無不有苦憂念妻之家屬所有死各離散不知所墮若身有罪親不能解知此非常當念行道三惟精進端身口意取道不難四惟謙虛無自憍大承事明哲矜誨未聞愍傷教之五惟降意不聽六情抑嫋怒癡態無有邪行六惟軀中但盛臭處風寒熱血無可貪者七

惟自觀形如糞土日當念死天地開闢生民以來無不死者世間如夢所見歡愛不知爲化悟乃覺空當知是幻勿以自欺如是七法可得久住又比丘復有六重法當善念行可得久住一爲修身以起慈心依聖旬通諸清淨者行此重住和一愛敬施於同學無取無諍勉共守行行二爲修口善行以起慈心三爲修意善行以起慈心四爲所見法際若得衣食應器餘物終不愛藏五爲持戒不犯不以摸質能用勸人六爲若從正見得出正要受道苦盡度知見了行此重任皆以聖旬通清淨慧用和愛敬施於同道無取無諍轉相

三

四

建立共守道行又復比丘當爲愍傷一切蠕動至於蟻蟲必加慈心人之死云當爲悲哀行道三惟精進端身口意取道不難四惟謙彼得爲人如不聞道家室啼哭亦不知死魂神所趣惟得道者能知之耳佛爲是故敷陳經法經不可不學道不可不行天下多道王道爲大佛道如是最爲其上譬數十人俱共

射准有前中者有後中者要射不止必復中
准又如天下衆流不息皆歸于海比丘如此
行道不止會得解脫如佛法教轉相承用諷
詠佛語常用時誨四輩弟子展轉相教如是
佛經可得久住彼時佛語賢者阿難俱之巴
連弗邑即受敎行佛攝衣鉢歷王舍城去行

半道所頓止王園佛告諸比丘皆聽其爲道
者當知四諦凡人不知故走長塗宛轉生死
無休止時吾是以啓汝意何等四一曰知苦
尤苦是謂真諦二曰苦由集生是謂真諦三
曰苦集盡滅是謂真諦四曰苦集盡滅受道
是謂真諦於苦不慧不知故走長塗生死不

休當以知此苦諦苦者謂生苦老苦病苦死
苦憂悲惱苦愛別離苦所求不得苦以要言
之五盛陰苦已覺斯苦能斷愛集是謂得眼
爲極是生後不復有苦由集者從愛苦集都
盡受道之諦得眼見證爲盡是生後不復有
已見真諦得道眼者無復生死長塗永絕如

譬

五

是比丘又當復知道得八行何等八一以專
心受佛經法二棄愛欲與世無諍三終不爲
殺盜婬行四不欺謾僂飾惡罵五不嫉妬貪
餐不信六念非常苦空非身七觀形中臭穢
不淨八不貪身知當歸土諸往古佛皆見此
四諦諸當來佛亦見此四諦其有貪慕家居
恩愛及樂世間榮名之壽者終不得是度出
之道道從心生心淨者乃得道其次心端不
犯五戒可得上天其次信道好學經法後可
得作人若都欲斷絕地獄畜生餓鬼道者當
以一心奉行經戒今佛爲天下解脫生死開
現正道其欲學者當諦思惟佛與賢者阿難
前到巴連弗止城外神樹下諸梵志居士聞
佛從諸弟子來皆出城外欲觀見供養佛有
持席薦有持粧盤有持水漿及錠燈者行詣
佛所誓首畢一面坐

佛告諸梵志居士人在世間好貪欲恣意者
有五消耗一自放恣財產日減二自放恣危

身失道三自放恣衆人不敬死時有悔四自放恣醜名惡聲周聞天下五自放恣身死魂神墮三惡道人能降心不放恣者有五豐德一自檢攝財產日增二自檢攝得近道意三自檢攝衆人所敬至死無悔四自檢攝好名善譽周聞天下五自檢攝身死神生天上福地人不自恣有此五善宜思念之佛爲衆人說法正化若干要語無不歡喜皆前聳首佛足繞三匝而去於是佛起到阿衛聚坐一樹下持神心道眼見上諸天使賢神守護此地賢者阿難從宴坐起聳首畢一面住佛問阿難誰箇此巴連弗起城郭者對曰是摩竭大臣兩舍所建所其欲以過絕越祇佛言善哉善哉兩舍之賢乃知固此吾見忉利諸神妙天共持此地其有土地爲天神所護必安且貴又此地者近天之中王此地神名曰人意人意所護其國久而益勝必多聖賢仁智豪俊餘國弗及亦莫能壞此城久久如

澄三

六

欲壞時當以三事一者大火二者大水三者中人與外人謀乃壞此城兩舍聞佛與衆弟子俱遊到此即乘王威嚴車五百乘出城欲觀見供養佛到即下車步入園門見佛歡喜貌色恭辭氣重揖讓畢一面坐佛爲說法正化若干要語兩舍歡喜乃避座言欲設微食願與聖衆俱屈威神佛以默如可之即起聳首繞佛三匝而歸大臣歸乃通夜具作好食嚴室內施牀座早行白佛食具已辦惟聖知時佛即攝衣持鉢與衆弟子俱到其舍就高座於衆前坐兩舍手自斟酌腆美奉鉢致漿行潔水畢住白佛言已所施福願佛呢願此國土民一切天人使長得安佛呢願言佛助余喜爲天人供養士民作導飯佛比丘僧稱譽正法受道慧語奉行經戒都呪願此可敬知敬可事知事博施兼愛有慈哀心使汝一切常獲福利得見正道大臣歡喜佛復言汝於今出雖有官事緣由此福後必解脫若人

得飯佛及眞賢持戒者沙門況願終不徒棄
又當以知若欲仕官及居位者不可有貪心
不可侈心不可憍心不可虐心不可快心去
此五者後無各悔死得上天除惡道罪佛說
已從座起出東城門兩舍追侍曰當名此門
爲瞿曇門佛度津渚又追名之爲瞿曇津是

登三

七

時人民有乘船舟度者有乘小船或乘竹簰
及木桴渡度者甚衆佛坐定意自思往昔未
作佛時身所更來乘此桴船不可復數今以
解脫不復乘此亦使我諸弟子得離是佛從
定覺自說頌曰

佛爲海船師 法橋渡河津 大乘道之典

一切度天人 亦爲自解脫 度岸得昇仙
都使諸弟子 縛解致泥洹

彼時佛語賢者阿難俱之拘利邑受教皆行
到坐樹下佛告諸比丘皆聽當持淨戒當思
定意當解慧行此三者禪譽既豐又得離於
婬慾癡垢是謂正度欲疾望此當力自解用

盡是生入清淨行務如應作而知一心以善
其性與世無諍已知世事宜自憂身靜居內
思意志即明三垢已除便自得道心不復走
亦無所著譬如國王爲萬姓主比丘自思惟
能方端皆心爲主佛與阿難俱到喜豫邑止
河水邊撻祇樹下諸弟子旦入城食已澡洗
畢還禮佛住白佛言是國多疫癘有死者朝
所共聞有清信士玄黓時仙初勸戒震淑良
使賢伯宗兼篤德稱淨高十人皆死是輩喪
身當趣何道佛告諸比丘此十人者已斷自
然魂神上生十八天上到不還地不復來不
受世間法又是國死非但此也佛天眼見五
百清信士悉如難提等離三垢五道斷死皆
上生不還之地止取泥洹又有三百清信士
已斷三結無婬慾癡升頻來地後來下生當
見苦際復有五百清信女皆得四喜三結盡
得溝港離三惡道生天人中不過七世當得
應真於是佛謂諸比丘汝說彼死者爲撓擾

佛也然吾爲佛不復受此亦當何懼微哉妙矣生死有時夫諸佛與雖曰生於世不住法情矣何則如來法情已止無所不覺已了是生現說分明所謂妙者從有是令得是無有是不得是從是起令是生是滅者乃都滅所以者何用有欲求故爲不明緣不明行緣行

卷三

八

識緣識名色緣名色六入緣六入更樂緣更樂痛緣痛愛緣愛受緣受有緣有生緣生老死憂悲苦惱心惱致是具足苦性習有生死之本轉如車輪行無休息從癡不明故有生死假令不明無餘無欲以滅則行滅行滅則識滅識滅則名色滅名色滅則六入滅六入滅則更樂滅更樂滅則痛滅痛滅則愛滅愛滅則受滅受滅則有滅有滅則生滅生滅則老死憂悲苦惱心惱致是具足苦性習有爲都滅矣故先爲若說癡者有生死慧者持道不復生死當思念此挫其心乃不復更生死之道又欲近道當有四喜宣善念行一曰念

佛意喜不離二曰念法意喜不離三曰念衆意喜不離四曰念戒意喜不離念此四喜必令具足而自了見當望正度求解身要可以除斷地獄畜生鬼神之道以致溝港不墮惡地雖往來走天上人中不過七生自得苦際彼時佛語賢者阿難俱之維耶離國即受教行佛樂拘利歷城中去到止城外故姪女柰氏園柰女聞佛從諸弟子自越祇來即嚴車衣服從五百女弟子俱出城詣柰園欲跪拜侍觀佛遙見其五百女來勑諸比丘見是皆當低頭內觀自端汝心彼好莊衣譬如盡瓶雖表彩色中但眾眾當知好女皆盡盡瓶輩

卷三

九

也夫爲道者不當惑彼故當健制志惟分別是柰女來亦從我教何謂健制已生惡法能即斷却治性精進自攝意端未生惡法能令不起治性精進自攝意端未生善法意能發生治性精進自攝意端已生善法志立弗忘能使增廣治性精進自攝意端是以當爲寧

破筋骨自碎身體不隨心而爲惡是爲健制
何謂志惟惟內身循身觀惟外身循身觀以
內外觀思念分別斷不使意惟內痛循痛觀
惟外痛循痛觀以內外觀思念分別斷不使
意惟內意循意觀惟外意循意觀以內外觀
思念分別斷不使意惟內法循法觀惟外法
循法觀以內外觀思念分別斷不使意是爲
志惟何謂分別知可行不可行從其正能發
行是爲分別夫能健制志惟分別乃爲有力
非謂壯士多力而爲健也能去惡就善是謂
最健自吾求佛與心諦以來其劫無數用不
聽邪心故令得爲若世間作佛亦可休止沒

意又在不淨之中可自拔擢免斯衆苦見是
女來當如我教於是柰女到瞽首畢一面坐
佛問言今汝諸女意何如對曰受佛大恩得
聞法教愚癡醒悟夙夜自勑不敢邪心佛告
柰女好邪姪者有五自妨一者多聲不好二
者王法所嫉三者懷畏多疑四者死入地獄

五者地獄罪竟受畜生形皆欲所致能自滅
心不邪姪者有五增福一者多人稱譽二者
不畏縣官三者身得安隱四者死上天生五
者從立清淨泥洹道是以當自患厭人生
病月期不淨拘絆搔杖不得自在受行經戒
可得如佛清淨之道佛爲柰女說法正化若
干要語柰女歡喜避座長跪白言欲設微食
願佛聖衆俱屈威神佛以默然可之即作禮
而去去未久維耶離豪姓有諸離車間佛從
諸弟子來去城七里即乘王威嚴四色車出
欲見佛諸離車中有乘青馬青車青衣青蓋
青幢青幡官屬皆青有乘黃馬黃車黃衣黃
幢黃幡官屬皆黃有乘赤馬赤車赤衣蓋幢
幡官屬皆赤有乘白馬白車衣蓋幢幡官屬
皆白佛見車騎數十萬衆填路而來即告諸
比丘汝欲見忉利天上天帝苑中侍從出入
者如此無異耶諸離車到皆下車步入柰園
作禮畢一面坐佛爲大衆說法正化有一人

字并暨避座起整衣服向佛自陳言每聞佛功德巍巍甚大天上天下無不傾動常從在所夙夜敬仰服重清化不敢有忽佛語并暨天下叢哲乃知敬佛夫敬佛者自得其福死皆上天不墮惡道於是并暨說頌贊曰敬謁法王來心正道力安最勝号爲佛

名顯若雪山璧華淨無疑得喜如近香
方身觀無狀光若靈耀明惟佛智高妙
明盛無瑕塵願奉清信戒自歸於三尊
是時座中五百豪姓各解身上衣以授并暨
并暨持衣前白佛言是諸尊者聞善言喜共
以五百上衣奉獻并尊願哀受之佛受已告
言溥士當知佛爲如來至真等正覺明行成
已善逝世間解無上士道法御天人師号佛
衆祐出興於世有五難有自然之法何等五
佛出教化天下釋梵沙門梵志龍神帝王以
自然慧爲世現證開說真道上語亦善中語
亦善下語亦善至要義具清淨究竟一切敷

演是一難有自然法也佛說經於天下聞者皆樂信學諷誦端身口意去邪入正是二難有自然之法也天下人民聞佛經道志意開解深入思惟皆得明慧是三難有自然之法也天下人民聞佛教誠多以愛敬出三惡道生天人中獲大利是四難有自然之法也天下人民聞佛道奧深妙法言解本生死緣之事斷情絕欲皆得出要第一精進得應真道第二精進得不還道第三精進得頻來道第四精進得溝港道是五難有自然之法也凡人於佛而有反復之心以施少善者皆得大福不唐棄也是故并暨當自勗勉以學此德佛說已諸離車從座起整衣服叉手言本欲請佛而柰女以奪我先願須後日我等多務欲還請辭佛言可當知時時即皆贊首佛足繞三匝而去柰女通夜作濃美食嚴飾室內晨施牀座行白佛言食具足辦惟聖知時佛與衆弟子俱到其舍就高座於衆前坐柰女

手自斟酌奉鉢致漿行潔水畢取小牀坐佛
前欲問法佛言我代若喜好布施者後無怨
畏多得稱譽善名日增衆人愛敬人能無慳
仁惠爲智如是無垢安隱生天上諸天相娛
樂佛爲柰女說法正化若干要語已皆歡喜
佛語賢者阿難俱至竹芳邑止城北林樹下
是歲竹芳邑飢饉穀米騰貴佛告諸比丘是
間飢饉乞求難得汝等宜分部行別到維耶
及越祇諸聚邑可以無乏受教當行佛言比
丘當知自損得善無喜得惡勿憂食取支身
勿貪求美但坐嗜味愛求之故生死不絕夫
知節身能自損者可得定意佛爲說法正化
若干要語皆歡喜禮佛去各分部行到諸國
色佛獨與阿難俱到衛沙聚是時佛身疾舉
軀皆痛佛念痛甚而諸弟子皆不在當須衆
來乃取泥洹宜爲是疾自力精進以受不念
衆想之定即如其像正受三昧思惟不念衆
想之定以是忍意而自得聞賢者阿難從一

卷三

十二

樹下起誦佛稽首畢一面住間佛消息疾寧
瘳損聞聖體疾實用憂懼出尊得無欲取泥
洹願有教令於衆弟子佛報阿難佛豈與衆
相違遠乎吾亦恒在比丘衆中所當施爲教
誠以具前後所說皆在衆所但當精進案經
行之向吾疾生舉軀痛甚即思不念衆想之
定意不著疾故忍中止要者阿難我所說法
中外備悉佛爲法師無所遺忘所當施行自
足可知我亦已老年且八十形如故車無牢
無強吾本已說生死有時無生不終極上有
天名不想入其壽八十四千萬劫彼亦有死
是以佛起經於天下咸亦泥洹大道以斷生
死之本我今都爲有身作錠令身自歸爲法
教錠令法自歸彼何謂錠何謂自歸謂是專
心在四志惟一惟觀身二惟觀痛三惟觀意
四惟觀法健制思念斷不使意是爲一切作
法教錠當以自歸吾爲此已重說如欲解者
當精進行中外戒法必使如常其有自歸覺

佛經道皆佛子孫今我委棄轉輪王位爲天下作佛憂度三界汝等亦宜自憂其身已斷衆苦彼避雨時補繕衣畢佛語賢者阿難俱至維耶離受教即行既到止猿猴館行乞食畢滌鉢澡洗又與阿難俱到急疾神地佛言阿難維耶離樂越祇亦樂今此天下十六大

澄三

十三

國其諸郡邑皆樂熙連然河多出黃金闊浮提地五色如畫人生於世以壽爲樂若比丘比丘尼知四神足是爲拔苦多修習行常念不忘在意所欲可得不死一劫不啻如是阿難佛四神足已多習行專念不忘在意所欲如來可止一劫有餘佛重說是至再三時阿難意沒在邊想爲魔所蔽慘慘不悟默而不對佛言阿難汝去到一樹下靜意自思即受教一處坐時魔波旬來白佛意無欲可般泥洹教誨已周已訖可滅度矣昔者佛遊懶留河上解說諸老曰吾爲佛雖得自在不貪父住非謂今也所度亦畢可般泥洹佛報波旬

吾所以至於是未滅度者須我衆比丘及比丘尼令皆智慧承用經戒勸諸未入使學者成亦以須我諸清信士及清信女令得智慧承用經戒未入者入受法者成如是波旬吾以待此四輩弟子皆得法意展轉相教解諸童蒙使學成就是以至今未滅度耳魔曰可足時已畢矣佛言汝默如來不久是後三月當取泥洹魔心乃悅歡喜而去佛即正坐定意自思於三昧中不住性命棄餘壽行當此之時地爲大動空中清淨佛之光明徹照無窮諸天神來墮滿虛空佛從定覺自說偈曰無量衆德行 有爲吾今捨 近來一切安已度應度者

賢者阿難心驚毛豎疾行詣佛稽首畢一面住白佛言甚哉世尊地動乃尔是何因緣佛語阿難凡世地動有八因緣何等八天下地在水上水止於風風止於空空中大風有時自起則大水擾大水擾則普地動是爲一

也有時得道沙門及神妙天戒德隆盛欲自試力手按少地則普地動是爲二也若始菩薩從第四天下入母胎明哲慈意欲現道化開發愚蒙乃放神光震動天地令梵釋魔沙門梵志一切見明是爲三也若菩薩生出母胎時德感諸天淨無雲暗神光遠照則普地

登三

古

動是爲四也至於菩薩得無上道證真佛時普地大動天神四布舞揚佛名是爲五也及已作佛初大會時法輪三轉天人則解此彼菩薩證成大道光明遠照時普地動是爲六也佛教將畢欲棄壽行不住性命乃大放光勸發天人則普地動是爲七也如佛衆祐臨當棄身般泥洹時明無不照天神參至則普地動是爲八也阿難言今佛已爲捨性命耶佛言已捨阿難曰昔聞佛說若有弟子知四神足多修習行專念不忘在意所欲可止不死一劫有餘而佛道德過殊於此亦不可久止乎佛報阿難今汝言之豈不過耶吾與

汝言四神足者乃至再三而若徑默沒在闇昧不發明想爲魔所蔽而復何云是佛所說言一出口寧自違乎對曰不也如是阿難夫不智者既自發言而追違之我無是也阿難夫垂涕曰亦何駛哉佛取泥洹一何疾哉世間眼滅彼時佛勑賢者阿難請維耶離國倚行

古

比丘受教即請悉會講堂稽首畢一面住佛告諸比丘世間無常無有牢固皆當離散無常在者心識所行但爲自欺恩愛合會其誰得久天地須彌尚有崩壞況于人物而欲長存生死憂苦可厭已矣佛後三月當般泥洹勿恠勿憂且夫一切去來現佛皆從法得經

登三

十五

法具存但當自勉勤學力行持清淨心趣得度脫心識情休則不死不復生亦不復走於五道捨一身受一身也五陰已斷乃無飢渴寒熱憂悲苦惱之患人知正心天上諸天皆代人喜當以降心柔弱自損勿隨心行心之行無不爲得道者亦心也心作天心作人心

作鬼神畜生地獄皆心所爲也從心行得起諸法心作識識作意意轉入心心者最爲長心志爲行行作爲命賢愚在行壽尤在命夫志行命三者相須所作好惡身自當之父作不善子不代受子作不善父亦不受善自獲福惡自受殃今佛爲天上天下所尊敬者皆志所爲是故當以正心行法惟行法者能現世得休現世得安宜善取持諦受諷誦靜意思惟然則我清淨法可得久住可以愍度世間衆苦導利綏寧諸天人民比丘當知何等爲法謂是四志惟四意端四神足四禪行五根五力七覺八道諦如受行可得解脫令法不衰彼何謂四志惟惟內身循身觀惟外身循身觀以內外觀分別思念斷癡惑意惟痛之觀及意與法皆如初說何謂爲四意端已生惡法能即斷却治性精進自攝意端未生惡法制使不起治性精進自攝意端未生善法即能發生治性精進自攝意端已生善法

志立不忘能使增踰精進意端何謂爲四神足思惟欲定以滅衆行具念神足其欲不邪不取無捨常守淨行惟精進定惟意志定惟戒習定皆同文如初說何謂四禪棄欲惡法但念但行志樂無爲成一禪行念行已滅內守一心志在恬靜成二禪行惟觀無姪心安體正分別見真成三禪行已斷苦樂無憂喜想意已清淨成四禪行何謂五根一爲信根意向四喜二爲精進根治四意端三爲念根念四志惟四爲定根思四禪行五爲智根見四真諦何謂五力一爲信力喜意不壞二爲精進力常能健制三爲念力得志惟觀四爲定力禪意不亂五爲智力以道自證何謂七覺志念覺意法解覺意精進覺意愛喜覺意一向覺意惟定覺意行護覺意何謂八道正見正思正言正行正命正治正志正定是爲度世清淨之法彼時佛語賢者阿難俱至拘利邑即受教行佛樂維耶過國中出城門迴

身右轉視門而笑賢者阿難即整衣服右膝著地長跪問曰自我得侍二十餘年未曾見佛行以無緣如迴身視門而笑是何因緣佛言如是如是阿難佛之儀法不妄迴身而虛笑也是我最後見維耶離故視笑耳於是佛自頌曰

是吾之最後 遊觀維耶離 將逝彼泥洹

不復受有身

有異比丘亦讚頌曰

佛稱此末後 身行極於斯 若遂淪清虛
於何覩聖來

佛與阿難俱到拘利止城北林樹下告諸比

丘當護淨戒當思定意當解智慧夫以守戒
有定慧者成大德致豐譽永離貪姪瞋恚愚
癡可得應真欲以現世望正度者當加自解
令盡是生入清淨道已如應行乃自知身後
不復受佛復語賢者阿難俱之健持邑止城
北樹下坐告諸比丘當守淨戒思惟定意求

卷三

十七

解智慧守淨戒者不隨三態惟定意者心不
放散已解慧者去離愛欲行無罣礙有戒定
慧德大豐譽又離三垢終得應真欲以是身
望得正度當勤求解令盡是生入清淨道作
如應行乃自知滅後不復受佛又與阿難俱
過掩滿邑及出金邑授手邑華氏邑至善淨
邑處處爲弟子說此三要曰當護戒當思定
當解慧守此三者德豐譽大消姪怒癡是謂
正度已有戒心則定心成定心已成則智心
明如染淨雖受色明好有此三心則道易得
但當一意勸身求解令盡是生已入清淨行
如應者自知極此不復受生若不能具戒定
慧行欲度世難有此三者意自開解坐而思
惟便見五道天上人中地獄畜生鬼神分明
悉知衆生意志所念譬如溪水清其中沙礫
青黃白黑所有皆見得道之人但心清故所
視悉見欲得道者當淨其中心如水渾濁則
無所見持心不淨不得度世師所見說弟子

當行師同不入弟子心中就正其念念意端者道自得矣佛已樂善淨又語賢者阿難俱之夫延邑止城北樹下坐晡時阿難從宴坐起到佛所稽首畢叉手問曰倉卒欲知地動幾事佛語阿難有三因緣一爲地倚水上水倚於風風倚於空大風起則水擾水擾則地動二爲得道沙門及神妙天欲現感應故以地動三爲佛力自我作佛前後已動三千日月萬二千天地無不感發天人鬼神多得開解阿難歎曰妙哉佛爲無倫以自然法無不感動至德至道巍巍乃尔佛言如是如是阿難佛德不小乃從無數劫積累功德奉行諸善自致作佛有是神妙自然法化一切知一切見無不入無不化憶念我昔以慈悲心若干百千入天下諸王君子衆化住相見隨其像貌爲安慰說經道周流教化使得善意如是現化徧於八方隨其國俗服飾語言相其人行何法知何經而爲演說授以正道樂義

言者爲設典教解道理者爲說上要堅立其志已而捨沒諸王君子莫知我誰後皆耽味敬承法化是爲佛之清妙自然法也又我阿難得佛力徧入現化以佛儀法入沙門衆爲之師導已後化入梵志之衆又入居士儒林異學隨其被服聲音語言授與經道一切成就爲曆模法已而捨歿子曹皆受我教而莫我知是佛之難有自然法也佛亦上入第一四天王徧上第二忉利天第三鯤天第四兜率天第五不惱樂天第六化應聲天周匝魔難佛德不小乃從無數劫積累功德奉行諸第十三水無量天第十四水音天第十五約淨天第十六徧淨天第十七清明天第十八守妙天第十九玄妙天第二十福德天第二十一懿淳天第二十二近際天第二十三快見天第二十四無結愛天我皆周徧若干百千入是諸天隨形貌與相見樂清淨者爲說

清淨達道意者勸使布化在清仁者立以大道其解法情即授以法要誘勸導利化使得道說輒捨沒彼諸天輩莫知我誰是佛之難有自然法也上餘四天皆無形聲故佛不往第二十五空慧入天第二十六識慧入天第二十七不用慧入天第二十八不想入天如

遜三

十九

是阿難佛恩廣大無不成濟然而難值佛出此間如漚波羅華時時有耳佛所說法亦難聞聞已聞經法當受護持護持云何我滅度後若有比丘言我見佛口受是法是律是教然其言說不近不經而虧損法當持法句經所言律所見爲解說之若經不入與法意諍則當諫曰

賢者且聽佛不說是吾子妄受與法意違非法非律不如佛教當知棄是若有比丘言我所止得依聖衆有法戒者面受是法是律是教然其言說不近不經虧損正法當持法句經義律語爲解說之若經不入與法意諍則

當諫謂賢者且聽比丘衆者知法曉律此非法律吾子妄受不應於經與法意違不如佛教當知棄是若有比丘言我面從耆舊長老者口受是法是律是教然其言教不近不經虧損正法當持法句經義律語爲解說之若經不入與法意違則當諫謂賢者且聽耆舊長老知法曉律此非法律吾子妄受不應於經與法意違不如佛教當知棄是若有比丘言我得近賢才高明智大福慧衆所宗事面從受是經法律教然其言說不近不經虧損正法當持法句義解說之若經不入與法意諍則當諫謂正賢者且聽賢哲高明曉法律此非法律吾子妄受不應於經與法意違不如佛教當知棄是又復阿難若有言我得從佛受是法語而其言謬不合經法若有言我從依聖衆奉法者受而其言謬不合經法若復言我口從耆舊長老受是其言錯謬不合經法若言我從賢才高明智大福慧面受是

語而其言非不合經法當舉佛語以解曉之
趣使其人入經承律以爲詳說佛經法教聖
衆所承長老所明賢才所識賢者諦受如律
教無得譯當知持是四若彼阿難有是四闇
虧損正法當爲分別令棄邪媚受四正意是
爲受持護法者也其不承經戒者衆比丘當

(澄三)

二十

黜之梯禪不去害善穀苗弟子不善壞我道
法當相檢校無得以佛去故不承用教也世
有沙門奉行經戒則天下得福天神皆喜若
聞在所有明經比丘長老比丘新入學者當
從諮詢如是則清信之士清信之女樂供衣
食牀卧疾藥比丘同道不可不和其墮地獄
三惡道者皆不和故耳比丘不可轉相形笑
言我知經多汝知經少知多知少各自行之
言說應經者用不合者棄是佛所說比丘所
受必善持之若今如後凡講論經當言聞如
是一時佛在其國某處與某比丘俱說是經
若其經是不得苟言非佛所說相承用如是

者比丘法可得久住

彼時佛語賢者阿難俱之波旬國弟子皆行
佛以樂夫延歷城中去到止城外禪頭園中
波旬豪姓有諸華氏聞佛來到皆出作禮替
首畢一面坐佛告諸華氏智者居家恭儉節
用所奉有四用得歡喜一爲敬養父母妻子

二爲占視人客奴婢三爲給施親屬知友四
爲奉事君天正神沙門道士是謂知生全身
安家得力得色富足名聞死得上天佛爲諸
華氏說法正化若干要語皆歡喜去有華氏
子淳獨留起整衣服長跪白佛欲設微食願
與聖衆俱屈威神佛以慈哀默而可之淳喜

(澄二)

廿一

爲禮而歸調作腆美嚴飾室內晨施牀座畢
行白佛食具已辦唯聖知時佛與衆弟子俱
到其舍就高座於衆前坐淳手自酬酌奉鉢
致漿有惡比丘已飯取器佛知之淳念聖恩
善意供養行澡水畢取小牀坐佛前說頌問曰
請質聖慈智 已度到彼岸 法御爲析疑

將幾沙門輩

佛告淳沙門有四輩當識別之一曰行道殊勝二曰達道能言三曰依道生活四曰爲道作穢何謂殊勝佛所說法不可稱量能行無比降心態度憂畏爲法御導世間是輩沙門爲最殊勝何謂能言佛所稱貴微妙之法體解其情行之不疑亦能爲人演說道跡是輩沙門爲敏能言何謂依道念在自守勤綜學業一向不迴孜孜無倦以法自養是輩沙門爲知生活何謂作穢恣意所樂依恃種姓專造濁行爲衆致議不敬佛語亦不畏罪是輩沙門爲道作穢凡人見聞將謂在道學淨智者如此而已當知是中有真有偽有善有惡不可齊同以爲一也彼不善者爲賢致謗是故佛律黜夫惡者譬如苗中生草不去害禾卅多此輩內懷穢濁外如清淨若知福者信心奉道終不爲彼起恨想也識善之人修已遠惡除欲惄癡故得道疾佛說已淳歡喜

佛說防等泥洹經卷上

三

憾

胡精躁則反

礼賂

下音

矜誨

陵居軀立俱

但盛夏靈

盛字音成反

關

毗益蠕動

上助衛反

蠻蟲

上居豈反

射

時夜反

塗

音徒謫接下奴定反

餐

食鐵所擲反

毬毬

下音塔登

錠燈

上音燈也定反

撓擾

上呼高反

斟酌

上音斟他典反

侈昌

爾魚却反

宴坐

見反

津堵

下之褲音

桴

芳無玄黑

丁徒感反

挫

則反

瓦筋骨

斤音條徒的反

躁

音躁身旬反

拔擢

蒲上

渴

下音填田暨反

敷哲

上余瑕音

勗勉

許上

王飢餓

下渠反

寐

音寐抽反

補繕

善下音

猴

下音

貪不啻

下音蔽必反

叢

餘留上音

猿猴

下音園館

含反

諫

音諫施反

駛

使史反

綏寧

難上音

恬靜

上音

下去

沙礫

下音脣

倉卒

下音

耽

丁舍反

懿淳

上音

誘濟

音濟然計反

渙波

上音候反

虧損

上音苦反

謁

邪媚

下眉黠反

力慇懃

音敏二同反

梯稗

上音蒲賣反

忘

析

先擊反

廿二末